

Bosna i Hercegovina  
Federacija Bosne i Hercegovine  
**KANTON SARAJEVO**  
Ministarstvo za obrazovanje,  
nauku i mlade



Босна и Херцеговина  
Федерација Босне и Херцеговине  
**КАНТОН САРАЈЕВО**  
Министарство за образовање,  
науку и младе

Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry for Education, Science and Youth

Broj: 11/08-04-12553-54-1/20  
Sarajevo, 29.05.2020. godine

**SKUPŠTINA KANTONA SARAJEVO**  
**PREDSJEDAVALJUĆI SKUPŠTINE**

**PREDMET:** Odgovor na zastupničko pitanje zastupnika Harisa Plehe

**ZASTUPNIČKO PITANJE:**

Zastupnik Haris Pleho na 25. Radnoj sjednici Skupštine Kantona Sarajevo, održanoj dana 18.05.2020. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa članovima 211. i 214. Poslovnika Skupštine Kantona Sarajevo postavio je zastupničko pitanje:

„ Da li je tačno da je istekao mandat Komisiji za polaganje vozačkog ispita, te da je istoj Komisiji produžen mandat, ali bez objave konkursa? Ako je to tačno, pitam zbog čega nije bio objavljen konkurs.“

**ODGOVOR:**

Pravilnikom o načinu i uvjetima provođenja poslova osposobljavanja i organizovanja ispita za vozača motornog vozila ("Službene novine Kantona Sarajevo", br.: 35/16, 6/17, 16/17, 30/17) predviđeno je da mandat članovima ispitne komisije za polaganje vozačkog ispita traje godinu dana, te da se isti može produžiti u trajanju do jedne godine. Ova zakonska regulativa je u prethodnim imenovanjima ispitne komisije više puta primjenjivana i mandat članovima komisije je produživan u trajanju od godinu dana. U konkretnom slučaju, za koji pita cijenjeni zastupnik Pleho, mandat komisije je produžen u trajanju od šest mjeseci, nakon čega će biti raspisan javni poziv za članove ispitne komisije.

Prije odgovora o razlogu zbog kojeg nije raspisan javni poziv treba napomenuti da Sektor za saobraćaj edukaciju od 12 sistematizovanih radnih mjesta ima trenutno popunjena svega 4 radna mjesta.

Proces polaganja ispita za vozače motornih vozila odvija se pred ispitnom komisijom, čiji članovi nisu uposlenici Ministarstva, Sektora za saobraćaj i edukaciju. Postojećom sistematizacijom je predviđeno da se popunjavanjem upražnjenih radnih mjesta polaganje vozačkih ispita u budućnosti vrši pred komisijom čiji će članovi biti uposlenici Ministarstva, Sektora za saobraćaj i edukaciju. Na ovaj način bi se ugasio rad sadašnje ispitne komisije, te bi se postigao mnogo profesionalniji i odgovorniji rad svih članova ispitne komisije u okviru sistematizovanih radnih mjesta Ministarstva, Sektora za saobraćaj i edukaciju.

Popunjavanje dijela slobodnih radnih mjesta u Sektoru se trebalo desiti prije produženja mandata članovima ispitne komisije, što se nije dogodilo.

To je osnovni razlog zbog kojeg javni poziv nije bio objavljen, jer se nakon popunjavanja radnih mjesta trebala napraviti kalkulacija da li je i koliko je ispitivača u stvarnosti potrebno angažovati na ovim poslovima, pa tek onda raspisati javni poziv.

Također naglašavamo da javni poziv nije bilo neophodno raspisati, odnosno da je sve urađeno u skladu sa važećim propisima.

S poštovanjem,



Dostaviti:

1. Naslovu
2. U spis
3. a/a



web: <http://mon.ks.gov.ba>  
e-mail: [mon@mon.ks.gov.ba](mailto:mon@mon.ks.gov.ba)  
Tel: + 387 (0) 33 562-128,  
Fax: + 387 (0) 33 562-218  
Sarajevo, Reisa Džemaludina Čauševića 1

